

女青鬼律
三四
同卷

力八

女青鬼律卷之三

四同卷

九

道律禁忌天師曰視天下男女日用不忠行善不報災害日興天考鬼賊五毒流行皆生於不信不念守一行善身招其禍念子不得久世長生吾受太上教勅嚴切令以示天民令知禁忌不犯鬼神靈書女青玄都鬼律令使汝曹皆悉知聞逆者還順惡者還善改往修來當依鬼律令一者不得自東自西自南自北出入去來去无所關還无所白任意從心皆負律令除算

三十二

二者不得呼天无神言道師旨敗刑亂政自言己是道人言非皆負鬼律天奪筭一十三三者不得持真入偽姦亂聖明飲酒食寔呼嗟无道奪筭千三百

九八

四者不得傳宣惡語道說他人妄作一法不信天道虛言无實天奪筭千二百

五者不得傳虛兩舌妄語喜怒无常專行逆煞不慎陰陽天奪筭百三十二

六者不得輕慢老人罵詈親戚夫妻呪詛自

相煞害毒心造凶不孝五逆天奪筭一百八

十

七者不得受道不知輕慢傳非其人貪財受
利取人自益借物不還以為私寶天奪筭一
千八百

八者不得鬪爭言語因醉淫色假託大道妄
言鬼語要結男女飲酒食寅天奪筭三百

九者不得遊行東西周合男女消災不解因
成邪亂天奪筭萬三千死殃流七世

十者不得傳道童女因入生門傷神犯氣逆

惡无道身死无後不得反男為女陰陽倒錯
天奪筭三百

十一者不得露合陰陽觸犯三光因酒往還
承威相接天奪三百

十二者不得一人氣生一人氣死逼犯真人

天奪筭三十三

十三者不得一父子別居室家離散天奪筭
二十二

十四者不得嗜慾惡失男女聚集妄道邪言
天奪筭百二十

十五者不得同法相始更相道說不信三五
評論天氣長短天奪筭八百二十三

十六者不得逃遁父母遊行四方位立真氣
自相收合天奪筭三百二十

十七者不得滅天所生妄煞走獸彈射飛鳥

指南作北任心所從不依鬼律天奪筭三千
十八者不得干知人事宣布他家藏善出惡
姦人婦女謀圖人壻逆戾三光陰賊呪詛不
孝五逆天奪筭千二百二十

十九者不得行道之日貪色淫心行氣有長

自解不已私共約誓因生不孝姦心五内無
道之子天奪筭三萬

二十者不得思神不報因行生氣取降元炁
貪淫愛色手足不離彌日竟夕如此无道天
奪筭三百四十二

二十一者不得以赤炁妄傳俗人口手胷心

更相交接委道自叛師主无法天奪筭三百

二十二者不得妄以經書授與俗人道父母

名諱泄漏真要訣語俗人天奪筭三百

天師曰吾受太上旨教禁忌甚重汝男女憤

憤生來至今不知禁制自作一法與天相違
考至主者天奪子筭訖恐將可痛不見太平
生者及祭酒道士宣化有功功過相贖民若
不用故有宣化之心可自改往修來專一養
性可度天三災九厄子唯行惡逆不行忠孝
恐子年命不自保念子可傷幸復重囑丁寧
甚也

天師曰天下男女見善戒之文不能從用唯
欲從其所欲教人行非走作口舌專作鬼教
老小兇兇天下一時之樂千年之禍伐身之

斧滅命之爻也子已知道及未知者見吾鬼
律新故科文皆可從用三五七九之日慎行
生炁子依吾圖局不犯三炁如可仙化民一
千不知道父母真名故爲俗人道士雖知黃
書契令不知二十四神人故爲僞人道極數
訖天有三五子自不知何得言道不神子不
知道何得言炁不明百聞不如一見子何不
自改心易腸入吾生炁得爲真人太平之日
飛舉上天子只復不飛壽終不死便爲地仙
得見太平子日一日憤悶憤悶不信不忠唯

行无道不見太平念子自衰吾當何苦

天師曰天下男女已知三五七九長生大道
子不依吾法行惡媯亂恐子死没惡人之先
幸復告想可勤之

天師曰制節行道謹慎科文目不妄視口不

力八

四

妄言心不妄念足不妄遊親善遠惡與體自
然故不重教幸復可思之

女青鬼律卷之三

女青鬼律卷之四

天師稽首敢承先王之道制民勅鬼今當以
盟威正一之氣女青鬼律役使天下邪魅妖
殄助道興化勅鬼真名主者明加切正使天
下道氣宣布邪逆賓伏子知鬼名姓鬼自趨
走不敢害人子常念之勿違犯矣

道上將軍名侯夫

道下將軍名逸車

天上逆鬼名文延玄

地下逆鬼名精子

右四鬼主風雨時隨之作害人行來道路

遭大風雨呼四鬼名惡氣不敢加

古凶鬼謹忠世

逆鬼孛耳

孛子 齋切

右二鬼是古死人敗冢或巫師不正道士之鬼鬼害人百行子知其名鬼自伏住不敢動

天正鬼迭卧

迭大 結切 力八

地正鬼於木

於音 琴 五

右二鬼是宅中死煞守鬼常住人堂屋梁上夜主傷害人雞犬六畜子知其名鬼伏住不敢動此鬼不敢害人宅中應有福德之家此鬼主護人外客殃煞不敢過宅中

申久年

後穆高

右二鬼人家作屋不契柱色鼻朝成立見
星月有靈神主煞人爲邪子知其名鬼不
害人

令精華

是補坐

右二鬼人家宅中有銅金錢精主作於此

鬼鬼或變化作人形居宅不安呼之即去


已巴艮

赦姑

殷咎

右三鬼是人屋中四壁角中鬼主人夫妻
无道不順陰陽此鬼白直符直符白奏事
除人生籍子知名鬼不敢動并勅鬼著屋

四壁角厭用挑刺長尺二朱書又懸門戶
上勅法如左



此符青龍主東白虎主西朱雀主南玄武主
北中央黃麟辟除鬼賊急急如律令

右符制百鬼

天載

茂嚮 音慈註
兩切

右二鬼是門伯戶丞白日為神福室幕作

鬼子知名人定時於門戶左右呼其名三
掌手反首持兩三過此鬼即止不敢作害

斧金木和

鎧鉀粗

右二鬼是人家宅上有樹或竹林為烏鴉
止白鷺群鳥所依此皆有邪魅子知其名

夕夕三呼之鬼知人不可干力八不過七日九

日鬼自死不煞鬼者多多閻中喚之鬼伏

住不害人

紫肝方轉

肝喜俱切 轉陟穉切

汰治

上音大 下音姪

塵發

右三鬼是世中癩癩煞人之鬼其赤衣服
烏冠憤主收人魂子知其名有疾即差鬼
不敢干

桑華載

辟氣途付

右二鬼是女人月水之精鬼常貪陰陽血
味女子月水來日夕存之呼名鬼不敢害
人鬼長三尺上下青衣

語忌

敬遷唯鼻切

右二鬼女臨產鬼女子產生時呼此鬼名
即不害人鬼長三寸三分上下烏衣

斲精華

右一鬼主害人田天蠶天蠶女鬼夫立春日平

旦可向天門三呪曰

天之皇清明長遠上多神陰不及與汝馬姑

來我宅中使蠶大得千萬倍次田力八畝汝收千

億斛恩天中上下天地中上止大道勅華為七

我使叱咄急殺百傷小魅何狼粹

金進還百道力追切

右一鬼是旦夕掃除鬼令人失財子知名

可日日平旦向天門三呼名呪曰

石未子石未子太一使汝爲我使何物逆鬼
令速出速出

道以令天下男女各受道思口訣真要以持
示子子可以存念神明以真除邪八卷之中
有第四卷至真可以度世子勿違犯慎之天

師勅邪中是聞律鬼莫不伏聽飛符連天一
元三靈此天師自呪身中神鬼要法

遠兵士太王主元一九三氣丈人九氣父母
太一使我收煞汝急出來良久俯三叱叱二

十四噶噶

右天師勅水大邪鬼不敢害人

女青鬼律卷之四



